

**SESIÓN ORDINARIA DA XUNTA DE GOBERNO LOCAL CELEBRADA O DÍA 24 DE
AGOSTO DE 2017.-**

ÍNDICE DE PUNTOS

PUNTO PRIMEIRO.- ACTAS ANTERIORES.-.....3

**PUNTO SEGUNDO.- MODIFICACIÓN DE CONTRATO DA OBRA REPARACIÓN DE SOLADOS,
ACCESIBILIDADE E PECHES DO COMPLEXO DE PISCINAS PÚBLICAS MUNICIPAIS EN
MILLADOIRO E OUTRAS. OBRA INCLUÍDA NO PAS 2015.....3**

PUNTO TERCEIRO.- DECLARACIÓN CUMPRIMENTO CONDICIÓ DE LICENZA.....4

**PUNTO CUARTO.- PRÓRROGA DO PRAZO DE PRESENTACIÓN DE SOLICITUDES.
CONVOCATORIA DE SUBVENCÍONS PARA PROMOCIÓN DE FESTAS POPULARES 2017.....4**

**PUNTO QUINTO.- PRÓRROGA DO PRAZO DE PRESENTACIÓN DE SOLICITUDES.
CONVOCATORIA DE SUBVENCÍONS PARA PROMOCIÓN DE ACTIVIDADES LEVADAS A CABO
POR ASOCIACIÓNS CULTURAIS DO CONCELLO DE AMES NO EXERCICIO 2017.....5**

SESIÓN ORDINARIA DA XUNTA DE GOBERNO LOCAL DO DÍA 24 DE AGOSTO DE 2017.-

Na Casa Consistorial de Ames, sendo as nove horas e trinta minutos (09:30 h) do día vinte e catro (24) de agosto de dous mil dezasete (2017), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do señor alcalde, José Manuel Miñones Conde, e coa asistencia dos/as tenentes de alcalde, David Santomil Mosquera, Luísa Feijóo Montero e M^a Isabel Vaquero Quintela.

Non asisten, pero xustifican a súa ausencia, Genma Otero Uhía, José Blas García Piñeiro, e Silvia Dapena Liñares.

Actúa de **secretaria** a titular da Corporación, Rosa Ana Prada Queipo.

PUNTO PRIMEIRO.- ACTAS ANTERIORES.-

O señor presidente pregunta aos asistentes se teñen algunha alegación que formular á acta da sesión anterior, correspondente á **sesión ordinaria do 17 de agosto de 2017**, e que foi distribuída con anterioridade, en cumprimento do establecido no artigo 91.1 do Regulamento de organización, funcionamento e réxime xurídico das entidades locais, aprobado polo Real decreto lexislativo 2568/1986 de 28 de novembro (ROF).

Non formulándose alegacións polos asistentes, a Presidencia declara aprobada a acta por unanimidade.

PUNTO SEGUNDO.- MODIFICACIÓN DE CONTRATO DA OBRA REPARACIÓN DE SOLADOS, ACCESIBILIDADE E PECHES DO COMPLEXO DE PISCINAS PÚBLICAS MUNICIPAIS EN MILLADOIRO E OUTRAS. OBRA INCLUÍDA NO PAS 2015.

O señor alcalde informa á Xunta de Goberno Local que o Pleno deste Concello en sesión de 17 de decembro de 2015 acordou incluír, entre outras, no Plan de Acción Social (PAS 2015) a realización da obra **“Reparación de solados, accesibilidade e peches do complexo de piscinas públicas municipais en Milladoiro e outras”**; na mesma sesión prestouse aprobación ao proxecto técnico redactado polo arquitecto Paulino Sánchez Chao cun orzamento de execución por contrata de 175.730,07 euros.

A Xunta de Goberno Local, en sesión de 30 de marzo de 2017 adxudicou o contrato de obras de “Reparación de solados, accesibilidade e peches do complexo de piscinas públicas municipais en Milladoiro e outras”, á empresa Eulogio Viñal Obras e Construcciones, S.A. no prezo de 103.550,03.- euros máis 21.745,51.- euros de IVE, sendo asinado o correspondente contrato o 5 de abril de 2017.

Unha vez iniciadas as obras, o propio autor do proxecto e director da obra informa da necesidade de introducir modificacións no proxecto que, sen embargo, non alteran o seu orzamento de adxudicación. O autor do proxecto xustifica (e así figura na memoria da súa autoría) a modificación na necesidade de introducir determinadas actuacións que non foran contempladas no proxecto orixinario e de excluír outras actuacións, o que sen embargo non fará variar o orzamento do proxecto nin o prezo do contrato.

Por outra banda o adxudicatario da obra Eulogio Viñal Obras y Construcciones, S.A., xa amosou a súa conformidade a executar as obras de acordo ao proxecto modificado, asinando o correspondente cadro de prezos contraditorios que se inclúe no proxecto reformado.

Figura no expediente informe favorable da secretaría municipal de data 17 de xullo de 2017. Visto o que antecede a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Aprobar a modificación do contrato da obra “Reparación de solados, accesibilidade e peches do complexo de piscinas públicas municipais en Milladoiro e

outras", asinado entre o Concello de Ames e a empresa Eulogio Viñal Obras y Construcciones SA, con CIF A-15352735, en data 5 de abril de 2017, conforme ó proxecto modificado aprobado en sesión plenaria do Concello de Ames celebrada o día 27 de xullo de 2017.

Segundo.- Facultar ó alcalde presidente do Concello de Ames para cantas actuacións de trámite sexan precisas para a mellor execución do acordado.

PUNTO TERCEIRO.- DECLARACIÓN CUMPRIMENTO CONDICIÓ DE LICENZA.

En Xunta de Goberno Local de 6 de xullo de 2017 foille concedida a [REDACTED]
[REDACTED] resultante da parcelación previamente autorizada en Xunta de Goberno Local de 23 de marzo de 2017, no [REDACTED]

A eficacia da licenza de obra e da previa de parcelación estaba supeditada ó cumprimento da condición imposta de cesión de terreos para apertura e regularización de viario.

A cesión dos terreos foi formalizada en escritura notarial o 2 de maio de 2017 ante a notaria de Santiago de Compostela Inmaculada Espiñeira Soto, sendo a superficie cedida de 155,91 metros cadrados. Mediante decreto da Alcaldía de 28 de xullo de 2017 prestase aceptación á cesión antes referida (decreto 1834/2017).

O 21 de agosto de 2017 a interesada, [REDACTED] solicita que se acredite o cumprimento da condición imposta na licenza conferida o 6 de xullo de 2017.

Visto o que antecede, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Dar por cumprida a condición legal recollida na licenza de obra concedida 6 de xullo do 2017 (expdte. 2017/U022/000021) e precedente licenza de parcelación outorgada o 23 de marzo do 2017 (expdte. 2016/U018/000017) consistente no cumprimento da obriga de cesión dos terreos para apertura ou regularización do viario, a cal formalizouse na escritura pública outorgada o 2 de maio do 2017 ante a Notaria de Santiago de Compostela D^a. Inmaculada Espiñeira Soto, por Florentino e Fernando Hortas Vidal. A escritura notarial ten o número de protocolo 915 e recolle a cesión de 155,91 metros cadrados. A cesión que afecta á licenza de obras autorizada o 6 de xullo de 2017 é de 81,64 metros cadrados.

Segundo.- Notifíquese aos interesados no procedemento con indicación que, contra a presente resolución, poderá interpoñerse recurso de reposición ante o mesmo órgano que a ditou, ou ser impugnada directamente ante a orde xurisdiccional contencioso-administrativo. No derradeiro caso, non se poderá interpoñer recurso contencioso-administrativo ata que sexa resolto expresamente o recurso de reposición ou se houbera producido a desestimación presunta do recurso de reposición interposto.

PUNTO CUARTO.- PRÓRROGA DO PRAZO DE PRESENTACIÓN DE SOLICITUDES. CONVOCATORIA DE SUBVENCÍONS PARA PROMOCIÓ DE FESTAS POPULARES 2017.

En sesión de Xunta de Goberno Local de 29 de xuño de 2017 prestouse aprobación á convocatoria de subvencións para a **promoción de festas populares do Concello de Ames celebradas no exercicio 2017.**

A base 6.2 da convocatoria establece como prazo de presentación de solicitude o de 1 mes contado dende a publicación da convocatoria no BOP.

A convocatoria foi publicada no BOP de 28 de xullo de 2017, polo que o prazo de presentación de instancias remata o 28 de agosto de 2017.

Con data 21 de agosto o concelleiro de educación e cultura do Concello expón que constan no departamento solicitudes de ampliación de prazo presentadas por diversas asociacións e que, por outro lado, dado o elevado volume de asociacións interesadas e o feito de que o prazo coincida en período estival, aconsellan a ampliación do prazo de presentación de solicitudes.

O artigo 32.1 da Lei 39/2015 de 1 de outubro de procedemento administrativo común das administracións públicas establece que *A Administración, salvo precepto en contrario, poderá*

conceder de oficio ou a petición dos interesados, unha ampliación do prazos establecidos, que non exceda da metade dos mesmos, se as circunstancias o aconsellan e con elo non se prexudican dereitos de terceiros. O acordo de ampliación deberá ser notificado aos interesados.

Visto o que antecede e considerando que as circunstancias que concorren aconsellan a ampliación do prazo de presentación de solicitudes, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Ampliar en 15 días, ata o día 12 de setembro de 2017, o prazo de presentación de solicitudes ao abeiro da convocatoria de subvencións para a promoción de festas populares do Concello de Ames celebradas no exercicio 2017.

Segundo.- Facultar ó alcalde do Concello de Ames para cantas actuacións de trámite sexan precisas para a mellor execución do acordado.

PUNTO QUINTO.- PRÓRROGA DO PRAZO DE PRESENTACIÓN DE SOLICITUDES. CONVOCATORIA DE SUBVENCÍONS PARA PROMOCIÓN DE ACTIVIDADES LEVADAS A CABO POR ASOCIACIÓNS CULTURAIS DO CONCELLO DE AMES NO EXERCICIO 2017.

En sesión de Xunta de Goberno Local de 29 de xuño de 2017 prestouse aprobación á convocatoria de subvencións para a **promoción de actividades levadas a cabo por asociacións culturais do Concello de Ames no exercicio 2017.**

A base 6.2 da convocatoria establece como prazo de presentación de solicitude o de 1 mes contado dende a publicación da convocatoria no BOP.

A convocatoria foi publicada no BOP de 28 de xullo de 2017, polo que o prazo de presentación de instancias remata o 28 de agosto de 2017.

Con data 21 de agosto o concelleiro de Educación e Cultura do Concello expón que constan no departamento solicitudes de ampliación de prazo presentadas por diversas asociacións e que, por outro lado, dado o elevado volume de asociacións interesadas e o feito de que o prazo coincida en período estival, aconsellan a ampliación do prazo de presentación de solicitudes.

O artigo 32.1 da Lei 39/2015 de 1 de outubro de procedemento administrativo común das administracións públicas establece que *A Administración, salvo precepto en contrario, poderá conceder de oficio ou a petición dos interesados, unha ampliación do prazos establecidos, que non exceda da metade dos mesmos, se as circunstancias o aconsellan e con elo non se prexudican dereitos de terceiros. O acordo de ampliación deberá ser notificado aos interesados.*

Visto o que antecede e considerando que as circunstancias que concorren aconsellan a ampliación do prazo de presentación de solicitudes, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Ampliar en 15 días, ata o día 12 de setembro de 2017, o prazo de presentación de solicitudes ao abeiro da convocatoria de subvencións para a promoción de actividades levadas a cabo por asociacións culturais do Concello de Ames no exercicio 2017.

Segundo.- Facultar ó alcalde do Concello de Ames para cantas actuacións de trámite sexan precisas para a mellor execución do acordado.

E non habendo máis asuntos que tratar levántase a sesión ás dez horas, estendéndose a presente acta que asina o señor presidente, do que certifico.